

Հավելված
ՀՀ կառավարության 2015 թվականի
մարտի 10-ի N 238 - Ն որոշման

«Հավելված N1
ՀՀ կառավարության 2006 թվականի
մայիսի 4-ի N 587 - Ն որոշման

Չ Ա Փ Ո Ր Ո Շ Ի Չ Ն Ե Ր

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՐԶԱԿԱՆ ԿՈՉՈՒՄՆԵՐԻ ԵՎ ՄԱՐԶԱԿԱՆ ԿԱՐԳԵՐԻ ՇՆՈՐՀՄԱՆ

1. «Հայաստանի Հանրապետության միջազգային կարգի սպորտի վարպետ» մարզական կոչումը շնորհվում է այն դեպքում, երբ մարզիկը՝

1) ազատ և հունս-հռոմեական ըմբշամարտ, բռնցքամարտ, ձյուդո, սամբո, ծանրամարտ, թանքվոնդո, աթլետիկա, թիավարություն բայդարկաներով և կանոններով, նետաձգություն, հրաձգություն, հրապարակային և խճուղային հեծանվասպորտ, լող, եռամարտ (տրիատլոն), ուժային եռամարտ (պատուերլիֆտինգ) մարզաձևերում գրավել է՝

ա. 1-8-րդ տեղ՝ օլիմպիական, պարալիմպիկ, սուրդլիմպիկ խաղերում,

բ. 1-5-րդ տեղ՝ աշխարհի առաջնությունում,

գ. 1-3-րդ տեղ՝ Եվրոպայի առաջնությունում կամ Եվրոպական պարալիմպիկ, սուրդլիմպիկ խաղերում,

դ. 1-3-րդ տեղ՝ ուսանողական համաշխարհային մարզական խաղերում,

ե. 1-2-րդ տեղ՝ աշխարհի երիտասարդական առաջնությունում,

զ. 1-ին տեղ՝ Եվրոպայի երիտասարդական առաջնությունում,

է. 1-ին տեղ՝ պատանեկան օլիմպիական, պարալիմպիկ, սուրդլիմպիկ խաղերում.

2) միջազգային ֆեդերացիաների օրացուցային պլանով նախատեսված մրցումներում կատարել է նորմատիվային պահանջ և գրավել է 1-16-րդ տեղը ծանրամարտ, աթլետիկա,

թիավարություն բայդարկաներով և կանոններով, նետաձգություն, հրաձգություն, հրապարակային և խճուղային հեծանվասպորտ, լող, եռամարտ (տրիատլոն), ուժային եռամարտ (պատուերլիֆտինգ) մարզաձևերում.

3) առագաստանավային սպորտ, լեռնադահուկային սպորտ, դահուկավազք, սուսերամարտ, ակադեմիական թիավարություն, թիատլորասահք, սեղանի թենիս, թենիս, բադմինթոն, ձիասպորտ, գեղասահք, սինքրոն լող, բատուտ, ջրացատկ, սպորտային պարեր, ակրոբատիկ մարմնամարզություն, գեղարվեստական մարմնամարզություն, սպորտային մարմնամարզություն, շաշկի, ռենձյու մարզաձևերում գրավել է՝

ա. 1-12-րդ տեղ՝ օլիմպիական, պարալիմպիկ, սուրդլիմպիկ խաղերում,

բ. 1-10-րդ տեղ՝ աշխարհի առաջնությունում,

գ. 1-8-րդ տեղ՝ Եվրոպայի առաջնությունում,

դ. 1-6-րդ տեղ՝ աշխարհի և Եվրոպայի երիտասարդական առաջնություններում,

ե. 1-4-րդ տեղ՝ ուսանողական համաշխարհային մարզական խաղերում,

զ. 1-3-րդ տեղ՝ եվրոպական պարալիմպիկ, սուրդլիմպիկ խաղերում,

է. 1-ին տեղ՝ պատանեկան օլիմպիական, պարալիմպիկ, սուրդլիմպիկ խաղերում.

4) ավիամոդելային սպորտ, բազկամարտ, բիլիարդ, նավամոդելային սպորտ, ուշուսանդա, ուշու-թաուլո, կարատե մարզաձևերում գրավել է՝

ա. 1-2-րդ տեղ՝ աշխարհի առաջնությունում,

բ. 1-ին տեղ՝ Եվրոպայի առաջնությունում.

5) խաղային մարզաձևերում մասնակցել է՝

ա. օլիմպիական, պարալիմպիկ, սուրդլիմպիկ խաղերի, աշխարհի, Եվրոպայի առաջնությունների եզրափակիչ փուլի մրցումներին,

բ. Եվրոպայի ակումբային թիմերի առաջնությունների, գավաթի խաղարկությունների 1/8-րդ եզրափակիչ փուլին՝ բասկետբոլ, վոլեյբոլ, հանդբոլ, բեյսբոլ, լողափնյա

վոլեյբոլ, կորֆբոլ, ռեգբի, ֆուտբոլ, ֆուտզալ, խոտի հոկեյ, տափօղակով հոկեյ, ջրագնդակ թիմային խաղային մարզաձևերում:

2. «Հայաստանի Հանրապետության սպորտի վարպետ» մարզական կոչումը շնորհվում է այն դեպքում, երբ մարզիկը՝

1) հունա-հռոմեական և ազատ ոճի ըմբշամարտ, ձյուդո, բռնցքամարտ, սամբո, թանքվոնդո, սուսերամարտ, սեդանի թենիս, դահուկավազք, առագաստանավային սպորտ, լեռնադահուկային սպորտ, գեղասահք, գոլֆ, ակադեմիական թիավարություն, սպորտային մարմնամարզություն, գեղարվեստական մարմնամարզություն, ակրոբատիկ մարմնամարզություն, բատուտ, թենիս, բադմինտոն, ձիասպորտ, ջրացատկ, սինքրոն լող, սպորտային պարեր, կոխ, ալպինիզմ, ձիասպորտ, ռենձյու, շաշկի, մարզաձևերում գրավել է՝

ա. 3-5-րդ տեղ՝ աշխարհի երիտասարդական առաջնությունում,

բ. 2-3-րդ տեղ՝ Եվրոպայի երիտասարդական առաջնությունում,

գ. 1-2-րդ տեղ՝ աշխարհի պատանեկան առաջնությունում,

դ. 1-ին տեղ՝ Եվրոպայի պատանեկան առաջնությունում,

ե. 1-ին տեղ՝ ֆրանկաֆոնյան խաղերում,

զ. 2-3-րդ տեղ՝ պատանեկան օլիմպիական, պարալիմպիկ, սուրդլիմպիկ խաղերում,

է. 1-ին տեղ՝ Հայաստանի Հանրապետության առաջնություններում 2 կամ 3 անգամ

դարձել է մրցանակակիր տարբեր տարիների ընթացքում.

2) ավիամոդելային սպորտ, բազկամարտ, բիլիարդ, նավամոդելային սպորտ, ուշուսանդա, ուշու-թաուլո, կարատե, նարդի մարզաձևերում գրավել է՝

ա. 3-րդ տեղ՝ աշխարհի առաջնությունում,

բ. 2-3-րդ տեղ՝ Եվրոպայի առաջնությունում,

գ. 1-3-րդ տեղ՝ աշխարհի երիտասարդական առաջնությունում,

դ. 1-2-րդ տեղ՝ Եվրոպայի երիտասարդական առաջնությունում,

ե. 1-ին տեղ՝ Հայաստանի Հանրապետության առաջնություններում 2 կամ 3 անգամ դարձել է մրցանակակիր տարբեր տարիների ընթացքում.

3) միջազգային մրցումներում (Հայաստանի Հանրապետություն և ոչ պակաս 4 օտարերկրյա պետություն) կամ Հայաստանի Հանրապետության առաջնություններում առնվազն մեկ անգամ կատարել է նորմատիվային պահանջ ծանրամարտ, աթլետիկա, թիավարություն բայդարկաներով և կանոններով, նետաձգություն, հրաձգություն, հրապարակային և խճուղային հեծանվասպորտ, լող, եռամարտ (տրիատլոն), ուժային եռամարտ (պաուերլիֆտինգ) մարզաձևերում՝

ա. գրավել է 1-ին տեղ ֆրանկաֆոնյան խաղերում,

բ. գրավել է 2-3-րդ տեղ պատանեկան օլիմպիական, պարալիմպիկ, սուրդլիմպիկ խաղերում.

4) շախմատ մարզաձևում ձեռք է բերել ազգային վարկանիշ (տղամարդիկ՝ 2350-ի սահմանագծի, իսկ կանայք՝ 2175-ի սահմանագծի).

5) շաշկի և ռենձյու մարզաձևերում վերջին մեկ տարվա ընթացքում մասնակցել է միջազգային մրցաշարի, և անհատական միջազգային վարկանիշը հասել է՝ տղամարդկանց դեպքում՝ 2300-ի, կանանց դեպքում՝ 2100-ի սահմանագծին.

6) ձեռք է բերել օլիմպիական, պարալիմպիկ, սուրդլիմպիկ խաղերի կամ եվրոպական պարալիմպիկ, սուրդլիմպիկ խաղերի մասնակցի վարկանիշ.

7) խաղային մարզաձևերում գրավել է 1-ին տեղը Հայաստանի Հանրապետության առաջնություններում երեք անգամ տարբեր տարիների ընթացքում կամ՝ երկու անգամ 1-ին և երկու անգամ՝ 2-3-րդ տեղերը, առնվազն 6 թիմերի մասնակցությամբ, և երբ մարզիկը խաղացել է խաղերի 50 %-ի չափով:

3. «Հայաստանի Հանրապետության առաջին կարգի մարզիկ» մարզական կարգը շնորհվում է այն դեպքում, երբ մարզիկը գրավել է՝

1) 1-12-րդ տեղ՝ Հայաստանի Հանրապետության առաջնությունում.

2) 1-8-րդ տեղ՝ Հայաստանի Հանրապետության գավաթի խաղարկությունում, Հայաստանի Հանրապետության երիտասարդական առաջնությունում, մարզաձևերի Հայաստանի ազգային ֆեդերացիաների առաջնություններում.

3) 1-ին տեղ՝ Հայաստանի Հանրապետության մարզային առաջնությունում, մարզական ընկերությունների, միությունների առաջնություններում:

4. «Պատանեկան կարգ» մարզական կարգը շնորհվում է այն դեպքում, երբ մարզիկը գրավել է՝

1) 1-6-րդ տեղ՝ Հայաստանի Հանրապետության պատանեկան առաջնությունում.

2) 1-3-րդ տեղ՝ մարզաձևերի Հայաստանի ազգային ֆեդերացիաների, Հայաստանի Հանրապետության մարզերի, մարզական ընկերությունների, միությունների, ակումբների առաջնություններում.

3) 1-2-րդ տեղ՝ մանկապատանեկան մարզադպրոցների, օլիմպիական հերթափոխի պետական մարզական քոլեջների առաջնություններում:

5. Մարզական կոչումներ և մարզական կարգեր շնորհվում են միայն այն դեպքում, երբ մրցումներին տվյալ քառյակին կարգում վարժությունում մասնակցել է առնվազն 8 մարզիկ, իսկ ծանր քառյակին կարգում՝ 6 մարզիկ, և որոնք ունեն առնվազն 2 հաղթանակ, իսկ խաղային մարզաձևերի առաջնություններին մասնակցել է առնվազն 6 թիմ:

6. Նշված չափորոշիչները հավասարապես կիրառվում են հաշմանդամության տարբեր խմբերի՝ հենաշարժողական ապարատի շեղումներ ունեցող, կույր և խուլ-համր մարզիկների նկատմամբ՝ համաձայն հաշմանդամների՝ աշխարհի և Եվրոպայի առաջնություններում գրաված տեղի:»:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ